

後山居士文集



後山居士文集卷第二

陳師道無已

詩八十八首

贈歐陽叔弼學士

早知汝穎多能事  
晚以詩書託下寮  
大府禮容寬懶慢  
故家文物尚嫖姚  
只將憂患供談笑  
敢望功名荅聖朝  
歲歷四三仍此地  
家餘五一見今朝

觀文忠公家六一堂圖書

生世何用早我已後此翁頗識門下士  
略已聞其風中年見二子已復歲一終  
呼我過其廬所得非所蒙先朝羣玉殿  
冠佩環羣公神文煥王度喜色見天容  
御榻誰復登帝書元自工黃絹兩大字  
一覽涕無從似欲託其子天意人與同  
歷數况有歸敢有貪天功集古一千卷  
明明並羣雄誰爲第一手未有百世公  
廟器刻科斗寶樽播華蟲緬懷弁服士

酬獻鳴琤瑤插架一萬軸遺子以固窮  
素琴久絕絃碁酒頗闕供向來一瓣香  
敬爲曾南豐世雖嫡孫行名在惡子中  
斯人日已遠千歲幸一逢吾老不可待  
草露濕寒蛩

送蘇迨

胷中歷歷着千年筆下源源赴百川真  
字飄揚今有種清談絕倒古無傳出塵  
悟解多爲路隨世功名小着鞭白首相

逢恐無日幾時筆扎到林泉

送黃生兼寄二謝二首

南第諸兄早相見別時託子以無倦百  
歲論交見子心一朝取別寧吾願妙歲  
遠游真所難肯為得官近長安聖作詩  
書端有意猶須用心科舉外

城西兩謝俱能文穰丞精悍吾所聞每  
讀吾詩得人意使不能文已可人我昔  
謝公門下士早年妄作功名意如今老

寄潁河東九泉雖深愧此公

次韻蘇公西湖徙魚三首

窮秋積雨不破塊霜落西湖露沙背大  
魚泥蟠小魚樂高立覆杯水如帶魚窮  
不作搖尾憐公寧忍口不忍鱠脩鱗失  
水玉參差晚日搖光金破碎咫尺波濤  
有生死安知平陸無灘瀨此身寧供刀  
几用着意更須風雨外是間相忘不爲  
小濠上之意誰得會枯魚雖泣悔可及

莫待西江與東海

赤手取魚如拾塊  
布網鳴舷攻腹背  
豈知激濁與清流  
恐懼駢頭牽翠帶  
居士仁心到魚鳥  
會有微生化餘鱸  
寧容網目漏吞舟  
誰能烹鮮作苛碎  
我亦江湖釣竿手  
悞逐輕車從下瀨  
生當得意落鷗邊  
何用封侯憶鳶外  
不如此魚今得所  
置身暗與神明會  
徑湏作記戒鯨鯢  
防有任公釣東海



詩成筆落驥歷塊不用安西題紙背小  
家厚歛四壁立拆東補西裳作帶堂下  
穀觶牛何罪太山之陽人作鱠同生異  
趣有如此鉗懸甕間終一碎流水長者  
今公是兩花散亂投金瀨人言充庖湏  
此輩慈觀更湏容度外賜墻及肩人得  
視公才槃槃一都會有憐其窮與不朽  
我亦牽聯書玉海

次韻蘇公西湖觀月聽琴

清湖納明月遠覽無留雲人生亦何須  
有酒與桐君自醉寧問客一樽復一樽  
平生今不飲意得同酣醺清言冰玉質  
壞衲山水紋殫精有後悟畜耳無前聞  
潛魚避流光歸鳥投重昏信有千丈清  
不如一尺渾

公詩周魯後曳曳垂天雲府中顧長康  
風味如翹君非公無此客請壽兩山樽  
叔季大儒後偏醒亦同醺心與栢石堅

章成綺繡紋多難獨不補少驚今無聞  
時無古今異智有功名昏可使百尺底  
不作數斗渾

次韻蘇公涉潁

衝風不成寒脫木還自竒坐看白日晚  
起行清潁湄三穴未爲得一舟不作癡  
路暗鳥遺音江清魚弄姿宇定怪物變  
意行覺舟遲公與兩公子妙語含風漪  
但怪笑談劇莫知賓主誰得句未肯吐

鬱鬱見睫眉相從能幾何行樂當及茲  
生忍自作難百憂間一嬉時尋赤眼老  
不探黃口兒解公頭上巾一洗七年緇  
至潔而納汙此水真吾師湏公曉二子  
人自窮非詩

次韻蘇公竹間亭絕句

竹裏高亭燈燭光今年復得杜襄陽  
倏看老蓋千年後更想霜林百尺強  
是夕公盡

次韻蘇公勸酒與詩

五士三不同煩公以詩許強酒古所辭  
妙語神其吐自念每累人舉扇毋我汗  
復使兩歐陽縮手不分付平生西方社  
努力須自度不憂龜九頭肯畏語一誤  
頓悟而漸修從此辭世故公看萬金產  
寧能一朝具兩生文章家夙記鳴蟬賦  
請公堅城壘兵來後無數

次韻蘇公督兩歐陽詩

吟聲正可候蟲鳴酒面猶須作老兵豈  
有文章妨要務孰知詩律自前生向來  
懷璧真成臯未必含光不屢驚血指汗  
顏終縮手此懷端復向誰傾

次韻蘇公題歐陽叔弼息齋

行者悲故里居者愛吾廬生須着錐地  
何賴汗牛書丈室八尺床稱子閉門居  
百爲會有還一足不待餘紛紛幼老間  
失得了懸虛客在醉則眠聽我勿問渠

論勝已絕倒句妙方愁予竹几無留塵  
霜畦有餘蔬相從十五年不爲食有魚  
時須一俛仰君可負遽除

寄參寥

平生西方願擺落區中緣惟於世外人  
相從可忘年道人贊公徒相識幾生前  
早作步兵語晚參雲門禪捨策孤山下  
一室頗蕭然林昏出幽磬竹杪橫疎煙  
昨日寄書至坐想參寥泉此泉如此公

遇物作清妍一別今幾時  
綠首成白顛子亦憐我老  
我豈要子憐會逢萬里風  
一繫五湖船酌我巖下水  
咽子山中篇

北渚

南蕩不可度北渚風浪生  
向來狐兔迹已復蛟鼉鳴

東禪

東阡急雨未成泥度密穿青  
取徑微澥迨無人成獨往  
慇懃有月與同歸



絕句

老著江湖才一得病占風雨漫多知身  
將白鳥同歸日夢到黃梁未熟時

八月十日二首

一夢人間四十年只應炊竈固依然兩  
官不辦一丘費五字虛隨萬里船  
人生七十今強半老去光陰已後身更  
欲置身湏世外世間元自不關人

迎新將至漕城莫歸遇雨

早投林野違風雨  
晚旁塵泥飽送迎  
却愧兩街屠販子  
卧聽車馬過橋聲

即事

老覺山林可避人  
正須麋鹿與同羣  
却嫌鳥語猶多事  
強管陰晴報客聞

齋居

青奴白牯靜相宜  
老罷形骸不自持  
一枕西窗深閉閣  
卧聽叢竹雨來時

中秋夜東利贈仁公

盈盈秋月不餘分  
葉露懸光可數塵  
此地正須煩一笑  
要令排戶問東隣

十五夜月

向老逢清節  
歸懷託素暉  
飛螢元失照  
重露已霑衣  
稍稍孤光動  
沉沉衆籟微  
不應明白髮  
似欲勸人歸

胡士彥挽詞二首

元茂

晚進違前輩  
平生闕異聞  
吾猶識此老  
天豈喪斯文  
善學家傳業  
英詞世不羣

固應譏尚白官序見揚雲

此地來何晚經年見未頻  
薦賢仍賭命有道可辭貧  
徒弟三千子聲名四十春  
襄陽耆舊內無復姓龐人

送趙承議

令時

先生隱德世難名晚見諸孫也自成  
穎水向來湏好句道山今日有宗英  
林湖更覺追隨盡巾帽猶堪語笑傾  
勤苦讀書終不補未湏墻角棄長檠

寄李學士

眼看游舊半東都五歲曾無一紙書平  
日齊名多早達莫年同國未情踈稍尋  
東利論茲事賴有西方託後車說與杜  
郎須著便不應濠上始知魚

雪

初雪已覆地晚風仍積威木鳴端自語  
鳥起不成飛寒巷聞驚犬隣家有夜歸  
不無慙敗絮未易泣牛衣

晚出

應俗敢辭疾衝風寧小驅聊爲一日役  
不憚百金軀雪路無行迹冰枝有落烏  
寒門閉蕭瑟窮里聽噉吁

寄晁載之兄弟

人言婚宦情欲本

語曰人不婚宦情欲失半

我始求

脫君已半孰知一卅如一夢在夢而覺

寧待旦寒簷凍雨作秋聲冷屋風燈挑

不明樽前已作十年語後會未期吾屢

驚一聞七字心已識鉤章棘句天與力  
念子方壯我已衰不見參天二千尺季  
也亦有詩百篇叔子擬度驂騑前端能  
過我三冬學可復參儂一味禪

寄荅王直方

人情校徃復屢勉終不近一詩已經年  
知子不我怨生世餘幾何尺箠日取寸  
懷祿有遐心從俗無遠韻時從府中歸  
數過林下飯平生功名意回作香火願

三年不舉觴，吻頰煙火燼。豈無兩蒼龍，  
霏我一兩潤。官麈詩未工，猛乞毋小靳。  
人生如此爾，文字已其閏。是身雖臭腐，  
寧作青紫楨。永懷忘年友，死矣餘令問。  
念子頗似之，老我何所恨。

送章推官

從事有多譽，還家能少留。持盃猶穎尾，  
解纜即沙頭。好事今猶壯，論文老自休。  
風埃留我老，說與五湖秋。



送章氏兄弟兼寄金山寧禪師  
未塗一過馬羣空老眼雙瞻碣石鴻固  
有江東兼渭北其如明月與清風一官  
羈絆吾堪老萬里嫖姚子未窮寄語此  
時懷馬祖叩門何日許龐公

寄晁以道

兩官俱爲隣常若千里遠經年不通書  
子孰知我懶相期宇宙外肯復校繁簡  
我愚亦知此子意豈不滿子教東方生

自視何益損人言不當價一錢萬金產  
須子五千卷丹筆校黃本子家太史氏  
名成南北阮道山鴻鴈行豈惟私門術  
功名須老大四十未爲晚快意會有違  
急行寧小緩忽有河山阻遂恐消息斷  
我獨不念此人窮令智短子勿效我慵  
書來慰愁眼

寄侍讀蘇尚書

六月西湖早得秋二年歸思與遲留一

時賓客餘枚叟在處兒童說細侯經國  
向來須老手有懷何必到壺頭遙知丹  
地開黃卷解記清波沒白鷗

寄亳州林待制

湖海相望闕寄聲雲林過雨未全晴青  
衫作吏非前日白首論文笑後生似聽  
兒童迎五馬稍修書札問專城一聞苦  
李蒙莊句不復人間世後名

卧疾絕句

老裏何堪病再來愁邊不復酒相開一  
生也作千年調兩脚猶須萬里回

南軒

少日書林頗著勲莫年貪佛替論文銅  
鑪瓦枕芒鞋裏此外惟須對此君

獨坐

文章平日事風竹莫年須衰疾懸知此  
霜毛不更除一丘吾欲往百畝有如無  
飄飄須游子乾坤着腐儒扣門聞啄木

喚酒有提壺門徑無行跡秋來不遣鋤

幼嶺

外氏有石象  
山号幼嶺

外家英俊場季氏不好弄用意立壑間  
頗以石自奉誰言拳握間意作萬牛重  
岱宗小天下不辦一席用

同道士錢冷然尋澗水源

曉領黃冠子步尋東澗源拖筇探清淺  
垂手弄潺湲岸閣殘花片槎留舊漲痕  
鳳潛丹穴邃龍卧古潭渾脩竹青垂蔭

長蘿翠可捫忽驚穿藥圃不覺到雲根  
嶺外看飛鳥崖邊見飲猿援琴寫山水  
布席坐蘭蓀白石支碁局青沙藉酒尊  
醉歌歸路穩洞口月黃昏

八月十日宿百丈山慶善院明

日遊松風菴謁震禪師

衾裘夜宿方丈屋風燈微茫照溪谷杖  
屨朝行百丈山林風清冷搖佩環道人  
八十更聰明耳邊猶愛松風聲風前飽

食松下卧夢裏光陰等閑過世間貴人  
多白頭未容白首送林丘左足拘攣右  
臂緩榮華只得傍人看信知佛法有天  
樂掃除疾痼何須藥山林於我却有因  
願言築室爲比鄰不辭棄世伴幽獨猶  
恐山僧嫌近俗

十八日觀潮

一年壯觀盡今朝水伯何知故晚潮海  
浪肯隨山俯仰風帆長共客飄搖

眼看白浪覆青山誰信黃昏去復還縱  
使百年終有盡何須豪橫詫吳蠻  
千槌擊鼓萬人呼一抹濤頭百尺餘明  
日潮來人不見江邊只有候潮魚  
江平石出漲沙浮船閣平洲水斷流朝  
莫去來何日了一杯誰與弔陽侯

湖上晚歸寄詩友

鬣髮難藏老湖山穩寄身却尋方外士  
招作社中人霜葉深於染秋花晚自春



無人還有礙詩卷莫辭頻

蓑笠宜多病衣冠錯致身  
清愁偏待客白髮解禁人  
江月深留雪山梅探借春  
興從湖上發詩爲道人頻

功名違壯志戒律負前身  
劉德長欺客王融却笑人  
殘年增受歲病眼怯逢春  
杖屨知何向知公未厭頻

紅綠羞明眼欹斜久病身  
年齡不待命湖海却留人  
點滴花間露新鮮柳上春

情懷將底用詩外不須頻

次韻寄荅晁無咎

西湖欲雨厨煙滿風葉倒囊雲覆盃望  
湖樓上白頭人獨倚欄干誰肯伴獨有  
詩人記病身清風千里寄行塵豪華信  
有回天力驚開桃李閑新春往事不回

如過雨醉夢恍然忘惡語前在澶州有讀無咎文編

詩因以戲之無人生如幻此何尤未信

答今以爲言黃金貴於土愛子千篇頃刻成借將負

腹詫吳人吟哦怪有芳鮮氣却被湖山

識姓名

蘇子瞻詩云遊編錢塘湖  
上境歸來文字帶芳鮮

文章

廢退知難強身外虛華本無望何曾臨

水惜芒鞋却解逢人拈拄杖眼根清淨

塵不留登伽過盡不回頭

來詩云不應  
越女三年留

家在中原歸未得江淮斷道無行舟兩

山相逢翻手疾欲謀一笑寧無日却慙

懷朴似周人祇可聞名不須識

寄荅顏長道

薄命猶多難浮生未定居故人憂已矣  
千里問何如白髮羞明鏡青燈怯細書  
不曾知史館何用索枯魚

貧病憂居士雕蟲累壯夫不能羞齒頰  
幸免葬江湖疲馬甘垂首游鷹不應呼  
爲誰歸未得山水故鄉居

寄邢和叔

昔作梁宋游幽憂廢朝昏閉門無往還  
不厭兒女喧隔牆聞剥啄莫夜誰扣門

知是邢夫子低回過高軒願爲布衣交  
不顧年德尊忽忽立談罷又見東南奔  
江湖多病後僅免餉魚鼈久廢數行書  
因人問寒暄但愛孤山西松筠數家村  
便欲築居室插秧仍灌園生前不自愛  
身後何足論草玄笑揚雄贊易悲虞翻  
文章徒自苦紙筆莫更存却尋南郭老  
隱几學忘言他日宦游客誤入桃花源  
葦間見漁父誰識王公孫

十七日觀潮

潮頭初出海門山千里平沙轉面間猶  
有江神憐北客欲將竒觀破衰顏  
江水悠悠自在流向人無恨不應愁相  
逢不覺渾相似誰使清波早白頭  
漫漫平沙走白虹瑤臺失手玉杯空晴  
天搖動清江底晚日浮沉急浪中

月下觀潮

隔江燈火見西興江水清平霧雨輕風

送潮來雲四散水光月色鬪分明  
素練橫斜雪滿頭銀潮吹浪玉山浮猶  
疑海若誇河伯豪悍湏教水倒流

宿錢塘尉解

平湖遶舍山無盜官事長閑俸有金安  
得終身為禦寇不辭兒女作吳音

寄北山順法師

十年聞問不逢人一面相逢過所聞高  
士不應輕俗士欲將汗脚上垂雲

山下游塵不汙人耳邊溪水去猶聞羨  
君身世渾無事坐看青山過白雲

贈關彥長

少年初識字已誦子虛賦嘗疑天上人  
已離人間去蹉跎二十年久自歎遲暮  
倦游梁宋間却踏江湖路此地始逢君  
秋陽破朝霧白首鬢毛新青衫顏色故  
問君胡爲然竟坐文字誤人事久難知  
高才常不遇論人較賢智富貴寧在數



不見竹林詩山王俱不與湖塘發高興  
山林有佳處迨此閒暇時觀游莫辭屢  
功名如附贅得失何用顧但當勤秉燭  
長願隨杖屨

送鄜州關司法

早歲相知晚相識抵掌回頭已陳迹萬  
里從軍壯此行一筋鱸魚留不得夜靜  
關山秋月明莫聽嶺頭流水聲平世功  
名須少壯看君一箭下遼城

寄曾公權

超世功名子有憑，過人才藝我何曾。詩書

廢忘難支敵門館，光華怯再登。捐棄妻

兒，逃世累，掃除鬚髮伴禪僧。待君持節

東南日，試問當年杜伯升。蘇子瞻通禪

當年杜伯升飄然雲水一孤僧

登鳳凰山懷子瞻

蜿蜒曲龍腰，山間隱樓觀。孤高伏龍角

浮圖刺雲漢，脩林霜雪餘。落葉青紅亂

想見洞中人不知時節換咳唾落江東  
江東兩眼中舉頭觸浮雲失脚驚飛鷁  
逢人自笑謀身拙坐使紅塵生白髮入  
山便欲棄人閒出山又與松筠別

數篇曾見使君詩前後登臨各一時妙  
舞新聲難得繼清風明月却相宜朱闌  
行遍花間路看盡當年題壁處更有何  
人問使君青春欲盡花飛去

子瞻云應問使君何

處去憑花說與春風知

平翠閣

我家山水間耳目厭華麗聞道浙西山  
經年通夢寐從爲遠游客忘却歸來計  
欲買湖上田謝絕人間世湖山多變態  
橫斜光景異隨山轉朱閣臨顧窮幽邃  
惟有宣公樓浮空堆亂翠疑是水仙人  
臨墻露高髻道人迹愛山朝昏閱終歲  
最愛煙雨中半掩青羅袂我來悲歲晚  
風霜掃昏翳不見嶺頭雲未盡登臨意

贈太素菴軻律師

山居不出十四年矣

林間細路暗通門  
火閣深藏雪裏春  
自笑世間千計錯  
羨他湖上十年人

枕帳清寒夜色空  
琉璃明淨晚燈紅  
定知城市無窮事  
盡在山人冷眼中

古怨贈關彥長

世態輕浮君莫道  
相逢何必論才調  
鈿刀快利莫耶遲  
果下翩翩望雲老人前  
安得無窮好  
應須富貴長  
年少莫教白

髮更棲遲不遭毀罵逢人笑

次韻關子容湖上晚飲

風樹吹花落四隣莫雲將雨作催人旋  
傾美酒留連客急作新詩報答春試傍  
清湖看鬢髮莫辭行樂費金銀如今歸  
去還高卧更問風光有幾旬

春晚游寶雲寺

繁杏青猶小幽花落更香日隨雲雨斷  
恨與水風長蟻子何緣鬪蜂兒有底忙

山人能棄世遊子不思鄉

夏日書事

花絮隨風盡歡娛過眼空窮多詩有債  
愁極酒無功家在斜陽下人歸滿月中  
肝腸渾欲破竟夢更無窮

贈寫真禧道人

久病多愁易老身塵容衰鬢不長新早  
須置我山巖裏不是麒麟閣上人

晚遊九曲院

和章秀才

冷落叢祠晚回斜狹路賒平荷留夜雨  
驚鳥過隣家雲暗重重樹風開旋旋花  
病身無俗事待得後歸鷓

萱草

喚作忘憂草相看萬事休  
若教花有語却解使人愁

次韻順法師十三間樓避暑

窻暗時時雨門開處處山  
心蘇解衣後愁破立談間  
枕簟長相待功名久不關



論文非小陸愧色滿顏間

次韻性都正北山逐涼

海風吹雨過梅黃叢竹留陰借晚涼更  
欲從君談妙理鳧鷖能短鶴能長

賀關彥長生日

吉夢能巖後名家韋杜旁風霜隨氣節  
河漢借文章漢相功名晚周南德化長  
欲伸千歲祝願奉故人觴

經術宜傳世清明正得秋德優高士傳

名重賦家流短袖妨妍舞青衫負白頭  
待看靈壽杖扶出富民侯

石氏畫苑

卒行無好步事忙不草書能事不促迫  
快手多麤疎君看荷葦櫛葉扇崔家仲  
叔三人俱掃除事物費歲月收定神氣  
忘形軀恍然有得奪天巧衰顏生態能  
相如市師信手無贏餘一日畫出東封  
圖眼前百口怪神速背後千指爭邪厭

君家畫苑傾東都錦囊玉軸行盈車補  
完破碎收亡逋欲得不計有與無問君  
此病何當祛君言無事聊自娛世間何  
事非迷途挾策未必賢樗蒲苑中最愛  
文與蘇情親不獨生同閭自謂知子誰  
如余叔也不癡回不愚憐君用意常勤  
劬揮毫灑墨填空虛風梢雨葉出新意  
老樹僵立何年枯我生百事不留意外  
物不足煩毆除翰墨纔能記名字模臨

寫貌無工天見溺不救危不扶獨無一  
物充庖厨看君髮漆顏丹朱意氣健如  
生馬駒逢人不信六十餘郁然一莖無  
白鬚呂翁落寞起釣屠南山四老東宮  
須人生晚達有如此應笑虞翻早著書

錢塘寓居

山水如相識豪華異昔聞聲言隨地改  
吳越到江分門閉蕭蕭兩風催緩緩雲  
會隨麋鹿去長謝犬羊羣

梅花七絕

幽恨清愁幾萬端  
故將巧笑破霜寒  
落英收拾供騷客  
秋菊從來不足餐  
姑射仙姿不畏寒  
謝家風格鄙鉛丹  
誰知檀萼香鬢裏  
已有調羹一點酸  
林外啼禽自往還  
風前詩客倚欄干  
小園門鎖黃昏月  
耿耿幽姿半夜寒  
清寒池館靜無塵  
歲歲相逢似故人  
任遣牆頭疑似雪  
欲教園主早知春

任教雪壓色終勝却要風嚴香更聞江  
雨細時青子孰聞名猶救渴將軍

數點深藏碧玉枝翠峯十二擁瑤姬憑  
君說與凡桃李徹骨清寒不解肥

月落霜嚴白靚粧北風工爲發清香晚  
英數點辭林去幽獨無人爲斷腸

還江上

夜夜滄州夢歸心劇旆懸呼童買輕舸  
拂塌下平川遡浪潮如鬪凌風岸若牽

江鄉厭回首行及練花天

雜題

亂水交如線群山翠作屏寒輕春稍稍  
雪盡麥青青霜草猶疑滑風林漸喜聽  
生涯鞍馬上歲月短長亭

泥雪纔通脚煙雲復結陰遲留隨處處  
簾幕靜沉沉去鴈懷歸意來禽欲好音  
稍寬溝壑辱不憚二毛侵

奉酬應物

論世闕真是憎好成愚賢衆手挽跛样  
擬度驂騑前與子早相好於今不知年  
似從欲著帽憂喜同華顛生世如風花  
高下亦偶然填溝偶不死揮刃忽自全  
病馬試春草游魚縱奔川稍思升斗祿  
筦庫未闕負一飢尚可忍百歲當復延  
相子乘下澤得句要子宣此生期樂死  
它日須詩傳縮手着袖間彈棊一爭先

酬應物見戲



扣門賞竹任推排興盡歸舟挽不回平

世山林成偃蹇新年詞句得參陪醒心

正賴揮毫疾誤筆仍須送喜來報中作師遽讀

者為書省不應煩乳媪何承天老為著

筆誤年目為乳媪來詩有館殿之句一時除目盡英才

### 次韻應物有歎黃樓

一代蘇長公四海名未已投荒忘歲月

積毀高城壘斯樓亦何與與人壓復起

紛紛徒爾為長劍須天倚循分即可久

吾行誰與止邇來賢達人五十笑百里  
賴有寇公子衆毀聞獨美直氣懾狂童  
牽聯皆可紀少公作長句班揚安得擬  
頗有喜事人睥睨欲搥毀一朝陵谷變  
天語含深旨驚倒樓前人今朝有行履

後山居士文集卷第二

卷第二

家信

後山居士文集卷第三

陳師道

無己

詩六十八首

寄送定州蘇尚書

初聞簡策侍前旒又見衣冠送作州  
北府時清惟可飲西山氣爽更宜秋  
功名不朽聊通袖海道無違具一舟  
枉讀平生三萬卷貂蟬當復自兜牟

寄荅李方叔

平生經世策寄食不資身孰使文章著  
能辭轍跡頻帝城分不入書札訶何人  
子未知吾懶吾寧覺子負

智寶院後樓懷胡元茂

晚渡呼舟疾寒城着霧深昏鷗明鳥道  
風葉亂霜林久客登臨目中年懷舊心  
猶須一長笛領覽自霑襟

元日

老境難爲節寒梢未得春一官兼利害

百慮孰踈親積雪無歸路扶行有醉人  
望鄉仍受歲回首向松筠

放懷

施食烏鳶喜持經鳥鼠聽杖藜矜矍鑠  
顧影怪伶俜門靜行隨月窻虛卧見星  
擁衾眠未穩艱阻飽曾經

絕句

此生精力盡於詩末歲心存力已疲不  
共盧王爭出手却思陶謝與同時

送伯兄赴吏部改官

先子初增秩年侵鬢已皤念兄今善繼  
此別喜如何親老家仍困門衰仕未多  
猶須教兒子早要中文科

寄張文潛舍人

今代張平子雄深次子長名高三俊上  
官立右螭旁車笠吾何恨飛騰子莫量  
時平身早達未用夢凝香

來書云補外之  
樂發於夢寐

後湖晚坐

水淨偏明眼城荒可當山青林無限意  
白鳥有餘閑身致江湖上名成伯季間  
目隨歸鴈盡坐待莫鷗還

春興

東風作惡不成寒野水穿沙自作灘細  
艸無端留客卧繁枝有意待人看

次韻回山人贈沈東老二首

一杯領意不須沽六字持身已有餘癡  
子未知天上樂先生今解世間書

隨世功名非所望稱家豐儉不求餘青  
衫出指論竒字白髮挑燈寫細書

送孝忠二首

老眼元多淚春風見此行又爲貧賤別  
更覺急難情斗食吾堪老詞場爾向榮  
未須憐野鷺家法付宣城

經史三年學聰明一旦開把文甘潦倒  
數日待歸來士患聲名早官今歲月催  
有親須薄祿臨路尚徘徊



以拄杖供仁山主二首

錯節孤根勁有餘坐床湏按起湏扶一  
生用底今相贈更問林間有此無  
洗足投筇只坐禪厭尋歧路費行纏老  
來不復人間事不用山公更削圓

項城道中寄劉令使修溪橋

老怯危橋泥沒膝喜聞吾黨政如春湏  
君不惜千金費此後寧無我輩人

碓磨寨

以人爲食殺爲戲自昔無聞爾所先信  
有亡身一言盡獨能遺臭萬人傳

寄張宣州

與世情將盡懷仁老未忘故人今五馬  
高輿謾三長詩豈江山助名成沈鮑行  
肯爲文俗事打鴨起鴛鴦

送倫化主

赤髭白足可憐生躡蹻擔囊壯此行要  
致雪峯千五百不妨兼識謝宣城

西湖

小徑才容足寒花只自香  
官池下鳧鴈荒冢上牛羊  
有子吾甘老無家去未量  
三年哦五字草木借輝光

別月華嚴

寓世生同里隨方去有情  
來為百年別不惜片時程  
齋鉢湏勤供經鐘莫倦鳴  
當來第三會此界却逢迎

送吳先生謁惠州蘇副使

聞名欣識面異好有同功我亦慙吾子  
人誰恕此公百年雙白鬢萬里一秋風  
爲說任安在依然一秃翁

別圓澄禪師

法施老人卧不出呼我取別行問疾摩  
盤拭筋勸一飽少待湏臾莫蒼猝早年  
着眼覷文字萬卷初無一言契多生綺  
語未經懺半世虛名足爲累此去它來  
尚有緣頭童齒豁恐無年慙慙三請久

住世弊惡可念未可捐平生准擬西行  
計老着人間此何意他生佛會見頭陀  
知是當年老居士

別觀音山主

離合應生理過逢豈近緣情親見今日  
語妙記當年閉戶安禪主衝風逆水舡  
不應清夜月故作別時圓

離穎

河市千人聚寒江百丈牽吾生能幾日

此地費三年叢竹防供爨池魚已割鮮  
拙勤終不補他日愧無傳

湖上

湖上難爲別梅梢已着春林喧鳥啄啄  
風過水鱗鱗綠有三年盡情無一日親  
白頭厭奔走何地與爲隣

舟中二首

惡風橫江江卷浪黃流湍猛風用壯疾  
如萬騎千里來氣壓三江五湖上岸上

空荒火夜明舟中起坐待殘更少年行  
路今頭白不盡還家去國情

野火燒原雉昏唯黃塵漲天牛亂鬪江  
間無日不風波老去何時脫奔走詩書  
滿腹不及口遮日寧湏釣竿手愧爾茅  
簷炙背人仰目青天搔白首

規禪停雲齋

淨居衆天人宮殿隨所適少仕老不歸  
重門閉榛棘道人秀叢林妙語出禪寂

陳三  
是身如浮雲隨處同建立平生與二子  
嗜好用一律我此復助緣語綺已多責  
何年一把茅據坐孤萃律呵佛罵祖師  
塗糊千五百

荅晁以道

轉走東南復帝城故人相見眼偏明十  
年作吏仍糊口兩地爲隣闕寄聲冷眼  
尚堪看細字白頭寧復要時名孰知范  
叔寒如此未覺嚴公有故情



病起

今日秋風裏何鄉一病翁力微須杖起  
心在與誰同災疾資千悟冤親併一空  
百年先得老三敗未爲窮

九月九日魏衍見過

節裏能相過談間可解憂致踈君未肯  
得此我何由語到君房妙詩同客子游  
一經從白首萬里有封侯

別黃徐州

陳三  
姓名曾落薦書中刻畫無鹽自不工一  
日虛聲滿天下十年從事得途窮白頭  
未覺功名晚青眼常蒙今昔同衰疾又  
爲今日別數行老淚洒西風

次韻荅晁無斁

女生願有家名妾以不聘田里亦慕君  
又惡不由正欲行不問塗已破寧顧甌  
耕蠶無一廛庖井要三徑還家憂患餘  
挽湏兒女競十年寧有此一寒可無命

平生晁夫子得士公室慶稍無車馬音  
復作賓客請論文到韓李念舊說蘇鄭  
長年斷消息獨語誰和應此生恩未報  
他日目不瞑歸卧無好懷扣門有佳聽  
詩來雪霜後更覺天宇淨少好老未工  
持刃授子柄

次韻無斁偶作二首

肩聳三峯峻眉厖八字橫立談人絕倒  
家法句新清八俊先張子諸公少賈生

已傳烏鵲喜欲聽鶴鴿聲

此老三年別何時萬里回更無南去鴈  
猶見北枝梅會有哀籠鳥寧湏溺死灰  
聖朝無棄物與子賦歸哉

古墨行

并序

晁無斃有李墨半丸古裕陵故物也往  
於秦少游家見李墨不爲文理質如金  
石亦裕陵所賜王平甫所藏者潘谷見  
之再拜云真廷珪所作也世惟王四學

士有之與此爲二矣嗟乎世不乏奇乏  
識者耳敬爲長句率無數同作

秦郎百好俱第一烏丸如漆姿如石巧  
作松身與鏡面借美於外非良質潘翁  
拜跪摩老眼一生再見三歎息了知至  
鑿無遁形王家舊物秦家得君今所有  
亦其亞伯仲小低猶子姪黃金白璧孰  
不有古錦句囊聊可敵眷思殿裏春夜  
半燈火闌殘歌舞散自書細字苔邊臣

萬里風塵入長筭初聞橋山送弓劍寧  
知玉盃人間見夜光炎炎衝斗牛曾有  
太史占星變人生尤物不必有時一過  
目驚老醜念子何忍遽磨研少待須臾  
圖不朽明窻淨几風日暖有愁萬斛才  
八斗徑須脫帽管城公小試玉堂揮翰  
手

次韻晁無斃除日述懷

世學違從衆名家最近天感時猶壯志

得句起衰年，素酒無何飲。陶琴不具絃，  
平生揮翰手。幾見絕羣編。

次韻無斁雪後二首

閉閣春雲薄，開門夜雪深。江梅猶故意，  
湖鴈起歸心。艸潤留餘澤，窻明度積陰。  
慇懃報春信，屋角有來禽。

取性無通介，隨時有異同。雪餘蓋地白，  
春淺着梢紅。寄食虛長筭，論詩闕近功。  
相看不相棄，賴有古人風。

贈魏衍三首

妙年文墨秀儒林  
老眼今晨得再明  
歷塊過都聊可待  
未須回首一長鳴  
崔蔡論文不足過  
新詩平處到陰何  
寧須萬戶權輕重  
不待千篇一已多  
敏捷爲文筆不休  
何妨縮手小遲留  
名駒已自思千里  
老子終當讓一頭

贈寇國寶三首

承家從昔如君少  
得士於今孰我先  
口



擬說詩心已解世間快馬不須鞭  
徃歲黃童今冠君高文要學亦多聞留  
年看舉夫南翼過目先空冀北羣  
虎子憤地氣食牛雀兒浴處魚何求可  
奈我衰才亦盡正須二子與同游

次韻春懷

老形已具臂膝痛春事無多櫻笋來敗  
絮不溫生蠟虱大杯覆酒着塵埃衰年  
此日仍爲客舊國當時只廢臺河嶺尚

陳三  
十一  
堪供極目少年爲句未須哀

河上

背水連漁屋橫河架石梁窺巢烏鵲競  
過雨艾蒿光鳥語催春事窻明報夕陽  
還家慰兒女歸路不應長

題柱二首

并序

永安驛柱廊東柱有女子題五字六無  
人解妾心日夜長如醉妾不是瓊奴意  
與瓊奴類讀而哀之作二絕句

桃李摧殘風雨春天孫河鼓隔天津主  
恩不與妍華盡何限人間失意人  
從昔嬋娟多命薄如今歌舞更能詩孰  
知文雅河陽令不削瓊奴柱下題

蠅虎

物微趣下世不數隨力捕生得稱虎匿  
形注目搖兩股卒然一擊勢莫禦十中  
失一八九取叻間流血腹如鼓却行奮  
臂吾甚武明日淮南作端午

陶朱公廟

千篇奏牘漫多知  
百戰收功未出奇  
名下難居身可辱  
却將湖海換西施

次韻晁無斁夏雨

咫尺隔山海作書問如何  
蟻垤旣畜糧蛙窟如鳴鬪  
積暑復一雨斧斫仍手摩  
鈎窻欲懸麻出門已橫河  
人言月離畢未必致滂沱  
東臯繁艸木蘭艾不同科  
驚魚畏密罟獨鳥鳴南柯  
稍無蟲飛喧

復覺蟬語多因聲作好惡與物殊未和  
卧聞夜來雨歸種故山禾百年湏下澤  
萬里付長羅先生斷百好尚以詩作魔  
縮子萬言手聽渠七字哦室邇人則遠  
燕默勞者歌思君得老瘦觸熟生積病

寄無斁

敬問晁夫子官池幾許深已應飛鳥下  
復作卧龍吟待我中痾愈同君把臂臨  
泥塗無去馬夏木有來禽

次韻別張芸叟

中年爲別更堪頻四海無家託一身此  
別時須問生死孰知詩力解窮人

宿深明閣二首

窈窕深明閣晴寒是去年老將災疾至  
人與歲時遷默坐元如在孤燈共不眠  
莫年身萬里賴有故人憐

縹緲金華伯人間第一人劇談連晝夜  
應俗費精神時要平安報反愁消息真

墻根霜下艸又作一番新

東山謁外大父墓

土山宛轉屈蒼龍下有槃槃蓋世翁萬  
木刺天元自直叢篁侵道更須東百年  
富貴今誰見一代功名託至公少日拊  
頭期類我莫年垂淚向西風

次韻晁無斁冬夜見寄

寒窻冷硯欲生塵短枕長衾却自親老  
子形骸從薄莫先生意氣尚青春覆杯

不待回丹頰危坐猶能作直身城郭山林兩無得莫年當復幾露巾

寒夜有懷晁無斁

同好共城郭十日不一顧人事雖好乖  
吾生亦多忤闔門對妻子歲月不可度  
閉目寧用遮停杯仍下筯獨無區中緣  
永懷巖下趣平生三徑資安得一朝具  
萬里初歷塊前驅告曛莫懷歸屬有思  
棄世不待怒老境厭逶遲人情費將護



向來張長公吾亦從茲去燈花頻作喜  
月色正可步預恐何水曹明朝有新句  
除夜  
七十已強半所餘能幾何懸知莫景促  
更覺後生多遁世名爲累留年睡作魔  
西歸端著便老子不婆娑

寄鄧州杜侍郎

南陽老幼如雲屯連日城東候使君後  
者排前旁捷出爭先見面作慇懃六年

重來已白髮一日再見回青春道傍過  
者怪相問共言杜母真吾親使君雖老  
心尚壯文彩風流諸謝上名家從昔杜  
陵人盛德于今丈人行我昔卧病老彭  
城畫船鳴鼓千里行致書饋奠初未識  
丁寧勞苦如平生人言此事今未有古  
人中求還得否忘年屈勢不虛辱公自  
爲德吾何取菊潭之水甘且潔潭上秋  
花照山白請公酌此壽百年奕奕長爲

此邦伯孰先一州後四方重金疊蓋登  
廟堂請從今日至雲來月三十斛輸洛  
陽

寄提刑李學士

石渠金馬青雲上東里西門濟水邊上  
冢過家真樂事平時持節貴當年成家  
舊學諸儒問脫手新詩衆口傳范叔一  
寒今若此相逢猶得故人憐

寄杜擇之 杜寄惠近詩

詩家兩杜昔無隣  
文彩傳家世有人  
疾置送詩驚老醜  
坐曹得句自清新  
興來不假江山助  
目過渾如州木春  
農馬智專吾不讓  
衡陽紙貴子能頻

次韻晁無斁春懷

城郭朝陽散積陰  
郊原注目日青深  
年衰鷗鷺如今是  
夢斷邯鄲何處尋  
語鵲飛烏春稍稍  
重簾深院晚沉沉  
不辭杖屨衝泥雪  
未有瓊琚報好音

寄晁無斁

稍聽春鳥語丁寧又見官池出斷冰雪  
後踏青誰與共花邊着語老猶能笑談  
莫倦尋常聽山院終同一再登今日已  
知他日恨捨榆况得及飛騰

別寶講主

此地相逢晚他方有勝緣呪功先服猛  
戒力得扶顛暫息三支論重叅二老禪  
夜床鞋脚別何日着行纏

趙州臨濟  
皆曹人也

後山居士文集卷第三

元末韓公既回且首言公感時賦詩疾

知代器太顛轉息三王文命重泰二女幹

此出財全與出亦育都暴死以亦都五

時若... 似實... 王... 有能...

其者... 宜... 同... 再... 台... 台... 日... 日...

國... 幽... 青... 華... 興... 共... 亦... 量... 會... 盡... 文... 前... 非... 突... 幾...

抑... 謝... 有... 詩... 島... 丁... 寧... 又... 與... 百... 也... 此... 處... 水... 雷...

清... 泉... 照... 燈...

...

後山居士文集卷第四

陳師道無已

詩九十五首

還里

曠士愛吾廬游子悲故鄉慷慨四方志  
老衰但悲傷虛名自成悟失得略相當  
莫年還家樂未覺道路長閭里喜我來  
車馬塞康莊爭前借言色艸木亦晶光  
向來千人聚一老獨倘佯手開南陽阡

松柏鬱蒼蒼永願守一丘脫身萬里航  
平生功名念倒海流我腸款段引下澤  
斷絃更空觴尚恐北山南有文移路傍

老栢三首

并序

勝果院後庭有栢見之二十年矣踈瘦  
如故余寓其舍數以水漑之遂有生意  
庭栢無生意摧殘二十秋稍霑杯水潤  
已與歲寒謀黃粟青青出秋愁邊稍稍瘳  
會看笙鶴下莫雀莫深投



英姿帶枯槁勁節闕和柔物理有興壞  
人情成去留稍看棲鳥集聊待晚風秋  
解道庭前栢何曾識趙州

歲月那能記風霜亦飽經槁乾仍故節  
潤澤出新青色與江波共聲留靜夜聽  
輝輝垂重露點點綴流螢

魏衍見過

暑雨不作涼爽風祇自高我老亦衰疾  
柰此正鬱陶魏侯有新語高處近風騷

隱几聆五字未覺歷日勞  
洒然墮冰井起粟豎寒毛  
三山已在目萬象誰能逃  
歷險見絕足過口味豚膏  
願爲夏雷鳴莫作飢鳶號

次韻螢火

年侵觀物化共被歲時催  
熠熠孤光動翩翩度水來  
稍能穿幔入已復受風回  
投卷吾衰矣微吟子壯哉

次韻夏日江村

漏屋簷生菌臨江樹作門卷簾通燕子  
織竹護雞孫向夕微涼進相逢故意存  
何當加我歲從子問乾坤

次韻觀月

風雲隨落日河漢欲回天  
隔巷如千里還家已再圓  
簾疎分細細江淨共娟娟  
他日吾何適聽詩說去年

次韻夏日

江上雙峯一州堂門閉心靜自清涼詩

書發冢功名薄麋鹿同群歲月長句裏  
江山隨指顧舌端幽眇致張皇莫欺九  
尺須眉白解醉佳人錦瑟傍

夏夜有懷

卧念張居士逃名老石根學詩真得瘦  
識字即空樽鳴笛夜宜遠燈花曉更繁  
未須哀老子也復守丘園

送林朝奉

兩父論詩伯仲間去思今識謝家安曠

懷亦苦中年別歸翼仍愁行路難四壁  
未堪風雨夕百圍已試雪霜寒欲逃富  
貴疑無地千丈竿頭試手看

楊夫人挽詞

晁無咎母

初說南奔道路長湖邊丹旆已飛揚百  
年積慶鍾連璧十念收功到淨方絳幔  
未經親宋母綠衣猶記識黃裳欲圖不  
朽須詮載今代誰堪著石章

栢山

平江如抱貫秦洪雙嶺馳來欲並雄是  
物皆爲萬世計闔棺猶有一朝窮林巒  
特起終爲汙美惡十年竟不空尚有風  
流羊叔子稍經湔洗與清風

有東坡  
記刻石

### 荅顏生

煩君臨問我何堪剩欲從君十日談老  
退不應稱敏捷顏蒼寧復借紅酣世間  
公器毋多取句裏宗風却飽參陋巷遠  
孫還好學未容光祿擅東南

送劉主簿

平生師友豫章公  
矻矻談君口不空  
半面相看吾已了  
連城增價子何窮  
三千奏牘諸儒上  
四百菴寮一歲中  
二父風流皆可繼  
謗禪排道不須同

觸目

溪響飢魚食川明  
柱影斜驚禽穿密竹  
噪鵲立浮查谷暗  
山藏雨林喧雀啁蛇  
鄉閭等行路何向  
更爲家

晚望

黑雲映黃槐更着白鳥度蟬鳴不餘力  
蛙腹能許怒稱日有佳思側逕無好步  
興來成獨徃意得誰與賦

送高推官

先生鍾舊德大府冠群能過手無難事  
逢人有異稱薦賢餘一鶚夙記契千燈  
看挽秦梁纜頭頭數不勝

荅魏衍黃預勉余作詩



我詩淺短子真牆衆自俯視無留藏句  
中有眼黃別駕洗滌煩熱生清涼人言  
我語勝黃語扶豎夜燎齊朝光三年不  
見萬里外安得奮身置汝傍邇來諸子  
復秀發曾未幾見加端章剩欲摧藏讓  
頭角豈是有意羣兒傷於人無怨我何  
憾愛者尚衆猶吾鄉平生不自解嘲誚  
禍來亦復非周防我衰氣索不自振正  
賴好語能恢張詩家小魏新有聲舊傳

秀句西里黃後生學行闕師友臨路不  
進空回遑看君事業青雲上聽渠螟螣  
生膏肓

和黃預感秋

宿雲護朝霜秋陽佐殘暑蠅癡驅復來  
汗下拭莫禦庭梧自黃隕風過成夜語  
幸是可憐生胡然遽如許黃生多新詩  
如盆壘抽緒唱高難款乃雋永得吟咀  
意合無古今投闇有迎拒名成弟子韓

價重先生楮向來得斯人孰謂余齟齬  
晚炊隣僧米書拾祖公茅甘酸皆適口  
霜黃未登俎門有曲逆車謗甚北山女  
寧爲溝中斷不作太倉鼠老退無好懷  
續明然兩炬搔首不成眠寒蛩促機杼

和顏生同游南山

竹杖芒鞋取次行琳琅觸目路人驚常  
年此日仍爲客病目今來喜再明筋力  
尚堪供是事登臨那得揔無情已知名

世徒爲爾可復緣渠太瘦生

僧慧僧利同往南山

驥騮同群鴻鴈行登臨端爲作重陽南  
臺二謝風流絕準擬歸來古錦囊

栢

用直寧論世名成不待官低枝緣我有  
偃蓋到誰看秀色有新故英姿無暑寒  
要爲千歲計豈慮萬牛難

叔父惠鉢二首

當家父子親分付不比黃梅萬里來不  
解當年明上座嶺頭言下却空回

蒲團未有祖師意洗鉢何曾識趙州萬  
里空歸君解否老胡端為我能留  
聲中得句已忘言斷酒持齋却自然大  
有西來真的意飢時著飯飽時懸

謝端硯

王家舊物群偷後石出鑿溪百丈深揮  
翰吾非玉堂手斷金君有古人心

捕狼

一狼將四子二嶺走千羊意得無前敵  
時乖闕後防寧知射生手已發弩機張  
會使烏鳶飽空令豺虎傷

和魏衍元夜同登黃樓

車馬競清夜人物秀三楚登臨得免俗  
茲樓豈時睹同來兩稚子冠者亦四五  
落落俱可人頗亦厭歌鼓山月出未高  
潛鱗動寒浦檣燈接踈星奪目祭不數

魏侯轉物手百好趨就叙得句未肯吐  
秀氣出眉宇水淨納行影山空荅脩語  
夜氣稍侵肌鳥駭去其侶清游豈有極  
喜事戒多取投靜未免喧于今豈非古  
永懷寂寞人南北忘在所橫嶺限魚鳥  
作書欲誰與情生文自哀意動足復佇  
憑檻共一默望舒已侵午

和元夜

笳鼓喧燈市車輿避火城  
彭黃爭地勝

汴泗迫人清梅柳春猶淺關山月自明  
賦詩隨落筆端復可憐生

和魏衍同遊阻風

舊說春風亦世情不應作意斷人行絕  
須一怒催新句更可多憂促短生勝日  
着忙端取怪妙年得此未須驚懸知出  
處非吾事已復星河爛漫晴

和魏衍同登快哉亭

經時不出此同臨小徑新摧艸舊侵欲



傍江山看日落不堪花鳥已春深來牛  
去馬中年眼朗月清風萬里心故著連  
峯當極目回看幽徑遶雙林

登快哉亭

城與清江曲泉流亂石間夕陽初隱地  
莫靄已依山度鳥欲何向奔雲亦自閑  
登臨興不盡稚子故須還

招黃魏二生

出門不雨即偶風閉門值睡極力攻似

聞湯鼎作吟聲已賀勝敵收全功却思  
二子共一笑撥棄舊語無新工卒行好  
步不兩得能致公等吾何窮魏詩黃筆  
今未有顧我獨得神所鍾徑須相就踏  
泥潦已辦煮餅澆油葱

春夜

宿鳥一枝足爭林終夜鳴庭花當戶發  
江月向人明鳥度清溪影風回晚市聲  
夢中無好語池草爲誰生

和三日

苦遭年少強追陪  
病眼看花更覆杯  
夾岸萬人傾國出  
清江一注兩山開  
遊人欲盡驚鷗下  
晚日猶須惡雨催  
更恐明年有離別  
折花臨水共裴徊

登鷺子樓

綠暗連村柳  
紅明委地花  
畫梁初著燕  
廢沼已鳴蛙  
鷗沒輕春水  
舟橫着淺沙  
相逢千歲語  
猶說一枝花

和魏衍三日二首

林花女頰紅春水瓜頭綠步蹇我三休  
來同君一足苦嗟所歷小不盡千里目  
莫景向昏鷓歸塗取脩竹

堤沙泥盡未及塵江波不動風生紋虎  
頭魚尾不知數朱旗一點來奔雲春容  
已老有餘態被襖雖古無前聞踏青摸  
石修祕祝落日帶雨催行人聽詩對月  
兩不厭頗覺過日徒紛紛君不見天寶

杜陵翁屈宋才堪作近隣

荅魏衍惠朱櫻

開門先得故人書  
稍喜提攜起覆盂  
得句有誰知我在  
嘗新此日賴吾徒  
傾籃的皪霑朝露  
出袖熒煌得寶珠  
會薦瑛盤驚一坐  
莧腸藜口未良圖

和魏衍聞鶯

春力着人朝睡重  
葉底黃鸝鳴自送  
綠幕朱欄日觀明  
回廊側戶風簾動  
昨夜

春回到寒谷好鳥飛來把脩竹整翰厲  
甫初一鳴已落君詩專妙獨退紅着綠  
春事殘後時獨立知何言側聽不盡已  
飛去懷抱此時誰與論

和黃充實春盡游南山

逐勝闕勇功餞春無少色出門欲何向  
坂丸隨所擊百年餘幾何十步復一息  
同來二三子楚楚頗脩飾行前強老夫  
徑捷疲峻陟山門開煙霏禪房閉岑寂

口燥沾茗椀久厄此爲德逐日下西山  
艸路荒不識回溪轉鉤曲門徑入繩直  
故人喜領客內愧積腹臆所來爲親舊  
掃除稱寥聞疾風無末勢過雨有餘瀝  
高花初欲然平荷已如拭因君感衰盛  
醜好移頃刻交新厭區區話舊聽歷歷  
談間十一二四座已傾側茅屋漏風霜  
山田帶沙礫尚能哀此老舉手觸四塞  
君如澗底松超拔出天壁學詩有新功

黃魏共推激

棟花

密葉已成蔭高花初着枝幽香不自好  
寒艷未多知會見垂金彈聊容折紫綫  
粉身非所恨猶復得聞思

和黃充實榴花

春去花隨盡紅榴暖欲然後時何所恨  
處獨不祈憐葉葉自相偶重重久更鮮  
流珠沾暑雨改色淡朝煙看子專寒酒



移根擅化權愧非無價手刻畫竟難傳  
和黃預病起

似聞藥病已投機牛鬪蛇妖頓覺非李  
賀固知當得疾沈侯可更不勝衣驚逢  
白壁山千仞會見黃金帶十圍只信詩  
書端作崇孰知糠粃亦能肥

和黃預久雨

甲子仍逢夏連朝雨脚垂黑雲玄甲駐  
鐵騎冷官馳映日還蒙霧懸麻却散絲

頽墻通犬豕破柱出蛟螭野潤風光秀  
涼生枕席宜撥雲開日月噴水出虹蜺  
貧可留須睫恩當記爽屐蒼頭行冒雨  
赤脚出衝泥詩好聲生吻書工手着胝  
衰年得佳句懷抱頓能移

何郎中出示黃公州書四首

龍蛇起伏筆無前江漢淵回語更妍好  
事元須一賞足藏家不必萬人傳

此詩此字有誰知畫省郎官自僣竒罪

大從來身萬里政成今有麥三岐  
四海聲名何水曹新詩舊德自相高一  
官早要稱三字二鬢何須着兩毛  
當年關里與論詩晚歲河山斷夢思妙  
手不爲平世用高懷猶有故人知

和黃預感懷

壁立無堪佐子貧漫修簡牒効慤懃起  
臨明鏡看生意卧向晴簷共白雲逸氣  
不應供潦倒劇談脫或致紛紜但令蘇

晉禪妨醉不患何山病破葷

陳留市隱

陳留人物後疑有隱屠耕斯人豈其徒  
滿腹一杯羹婷婷小家子與翁同醉醒  
薄莫行且歌問之諱姓名子豈達者與  
槁竹聊一鳴老生何所因稍稍聲過情  
閉門十日雨吟作飢鳶聲詩書工發冢  
刀簫得養生飛走不同穴孔突不暇黔

和休文至自新安

無成底事到天涯重見春工換柳枝歷  
盡江山苦行役歸來風雨過花時驅馳  
共厭人間世險阻時聞別後詩獨有窮  
愁銷未盡一番相見一伸眉

秋懷十首

以雨荒深院菊霜  
倒半死蓮爲韻

昨日山中雲今朝山下雨牛羊沒禾黍  
蟋蟀促機杼磨刀洗盆瓮社臘不勝數  
豈無聚斂吏觸手丞相怒

有家汴泗間歲久榛棘荒稍知田家樂

感此歸意忙老馬甘伏櫪游魂還故鄉  
四十尚無君天下未敢忘

採薪墟墓間行歌當歸耕向來輕薄子  
懷謖以爲榮喘喘轉下犢力盡官泥深  
壯哉八百里一割採其心

翩翩王公孫館我翠微院粥飯隨鍾魚  
朝昏度黃卷中年妻子累往世西方願  
獨無詩書力尼父安得怨

黃公輕千乘尚愛五斗祿風雨聽朝雞

歲月老松菊平生白蓮社不受一塵觸  
識字即投閣貴者須食肉

昔作九日期一覽知四方夜雨秋水深  
烈風畏褰裳尊空囊亦空花豆爲我黃  
官奴覆青綾破屋任飛霜

翼翼陳州門萬里遷人道雨淚落成血  
著木木立槁今年蘇禮部馬跡猶未掃  
昔人死別處一笑欲絕倒

篔簹孤竹君長我一身半凜然霜雪間

時至亦陰換共與王子猷永結忘言伴  
可使溪壑姿充我眼中玩

北闕書不上南山田不歸朝莫陳州門  
悠悠此何爲我老何所爲暖日聊差池  
君聽城上烏啞啞端爲誰

潭潭明光殿稽首西方僊平生修何行  
步有黃金蓮我豈昔好徑報以履下穿  
洗足坐道場卒卒此何緣

寄寇荆山



曠士三年別荆山一顧中百千人欲死  
四六老能工脫帽頭應白求田意欲東  
口須論世事自巳失飛鴻

次韻蘇公西湖觀月聽琴

公詩端正道亭亭如紫雲落世不敢學  
謂是詩中君獨有黃太史抱杓挹其尊  
韻出百家上誦之心巳醺黃鍾毀少合  
大裘擯不文世事如病耳蟻鬪作牛聞  
苦懷太史惠養豹煙雨昏後世無高學

舉俗愛許渾

次韻德麟督叔弼季默詩及破  
余酒戒

歲月不相負夜牀衾篋秋朝來明鏡中  
作意多少留惟酒可爲娛顧我非其流  
丈夫意氣合珮玦不循鈎意行無人非  
駿發不中休相逢問何如頗復中之不  
清坐豈不好致真豈糟丘兩歐以詩鳴  
與俗同沉浮百鳥畏嘲弄徃和長鳴鷗

胡寧忍使便風飄萬斛舟

次韻蘇公謁告三絕

靜中有業官成集醉裏無何老是鄉文  
室向來無一物却須天女與拈香  
竭澤回波不作難未應平地起風瀾是  
身非有從何病試下先生一着看

紙帳薰爐作小春青奴白牯對忘言更  
無人問維摩詰始是東坡不二門

次韻蘇公獨酌

雲月酒下明風露衣上落是中有何好  
草草成獨酌使君顧謂客老子興不薄  
飲以全吾真醉則忘所樂未解飲中趣  
中之如狂藥起舞屢跳踉罵坐失酬酢  
終然厭多事超繁趨淡薄功名無前期  
山林有成約身將歲華晚意與天宇廓  
醒醉各有適短長聽鳧鶴

城南

白下官楊小弄黃騎臺南路綠無央含

紅破白連連好度水吹香故故長蹲滑  
踏青穿馬耳轉危緣險出羊腸孰知南  
杜風流在預怯排門有斷章

次韻蘇公獨酌試藥玉滑盞

僊人棄餘糧玉色已可欺小試換骨方  
價重十冰甕灌以長白虹渺若江海彌  
浮之端不惡舉者亦何辭但愧聞道晚  
早從鴈門師律部無明文可復時中之  
汝陽佳少年三斗出六竒家有持盃手

兩好當一施風吹酒面八月度杯心遲  
百年客有命一笑更須時

次韻德麟植檜

種木待成材聊爲十年事日中趨百里  
寧問萬牛費植檜三尺強已有凌雲氣  
生世能幾何擬作千歲計衆人笑拍手  
君子用其意蕭蕭孤竹君忘言理相契  
名以金石交椿楊豈奴婢緬懷萬仞顛  
千丈蔚蒼翠蟠根泉石底用意霜雪外

寧湏大厦才坐待芥片至散爲風雨聲  
密作牛馬蔽

送叔弼寄秦張

廬陵四公子吾及識其半叔也英達人  
平易亦精悍於時吾始壯敗壁不塗墁  
孤身客東都轉食諸公館時來扣君門  
百過不留難傾心倒囊爰燕語徹昏旦  
磬折晚爲親少得而多患相過汝穎上  
歲月不勝難君才得公餘十日而千萬

舌端懸日月筆下來江漢此行不尋常  
談者方一貫逸足寧小試寶刀當立斷  
用意不崎嶇欲得忘挾彈卧念平生親  
稍作春冰泮因聲督張秦書來不應緩  
次韻德麟吳越山水

吳山那可說已覺心耳靜忍事如忍欲  
可遏不可騁人生如此耳黃白滿朝鏡  
寧懷斗外粟不理東南艇君從湖上歸  
頗說寒事竟沙草柔動色溪喧魚不定



煩君冰玉句，緩作江湖興。君詩如靜女，  
妙絕人所敬。不更風雨秋，下有桃李徑。  
試寫孤竹君，名成三絕鄭。

龍潭

清淵下無際，落日回風瀾。凜然毛髮直，  
敢以笑語干坡陀。百尺臺葱翠，萬木蟠  
驚飈。振積葉，清霜作朝寒。水旱或有差，  
精禱神其難。魚龍同一波，信有水府寬。  
向來三日雨，賴子一據鞍。何以報嘉惠，

寒瓜薦金盤萬口待一飽歸卧神其安  
猶須雪三赤盛意莫得闌

贈魯直

相逢不用蚤論交宜晚歲平生易諸公  
斯人真可畏見之三伏中凜凜有寒意  
名下今有人曾中本無事神物護詩書  
星斗見光氣惜無千人力負此萬乘器  
生前一樽酒撥棄獨何易我亦奉齊戒  
妻子以爲累子如雙井茶衆口願其嘗

顧我如麥飯猶足填飢腸陳詩傳筆意  
願立弟子行何以報嘉惠江湖永相忘

放歌行

春風永巷閑娉婷長使青樓悞得名不  
惜卷簾通一顧怕君着眼未分明  
當年不嫁惜娉婷拔白施朱作後生說  
與旁人須早計隨宜梳洗莫傾城

次韻蘇公竹間亭小飲

自昔有遺韻小飲不盡觴坐待竹間月

四  
奈此雲影長起行林下路散策踰平崗  
破眼一枝春着意千葉黃暄寒會有分  
蜂蝶來無央鳥語帶餘寒竹風回妙香  
緬想兩公子作惡變清涼誰憐塵沙底  
疲馬踏朝陽斯人班馬後如圭復如璋  
相逢了無得佳處每難忘

次韻蘇公臘梅

化人巧作襄樣花何年落子空王家羽  
衣霓袖灑香蠟從此人間識尤物青瑣

諸郎却未知天公下取仙翁詩烏丸雞  
距寫玉葉却怪寒花未清絕北風驅雪  
度關山把燭看花夜不眠明朝詩成公  
亦去長使梅仙誦佳句湖山信美更須  
人已覺西湖屬此君坐想明年吳與越  
行酒賦詩聽擊鉢

秋後五日應物無詩豈年志俱  
壯未解傷秋耶以詩排之

伏盡暑猶壯秋生涼故遲  
蟬吟接遠響

螢燭度深枝歲半身仍健年侵意自悲  
情知寇公子不作感秋詞

次韻楊內翰贈諸進士

一官歸老豈嘉賓喜見羣材入選掄學  
變古今人得意化行梁楚俗還醇士蒙  
餘勇天同力詩度清秋物再新勉作功  
名求善頌徑從平地據通津

送李奉議亳州判官

謝公中年後畏與親友別數日懷抱惡

每笑冠纓絕生有四方事死當一語决  
前笑今則悲吾衰擬何說着鞭何必先  
倒筆不容掣鞭爾轅下駒萬里一改轍  
祁氏號外府藏室多異書自公有餘力  
一覽意何如爲學雖日益受益不受誣  
正須高着眼濠梁有游魚

吾友孫子實愛學吾所畏持身如處子  
得句有餘味交驩艱難際凜然見名誼  
吾病卧里中車馬日一至遣醫饋梁肉

憂憇見顏際慙懃勸加飡代我破戒罪  
一別已三秋君室乃其季輪困見眼中  
不作千里外因聲問何如胡不在一字  
吾友張文潛君行乃其里當年釣游處  
壯者或可指聞風起遐想意作千古士  
不知塵土中奴椎婢不齒曾中無一塵  
筆下有百紙勿問見自知未語君已憇  
與遊今已後行矣勿停軌

哥晁說之



閱世真難記如君自不忘尚於書太簡  
正以懶相妨與有還家樂終無却老方  
莫須憂潦倒未許細商量

再贈寇司戶

仕屈諸儒底名成一戰中酒爲千日計  
詩費幾生功戲馬章臺下呼鷹上蔡東  
少年豪俠窟杵臼得梁鴻

次韻寇司戶春懷

諱窮懷祿得辭勞臂折頭低不復高夢

幻更堪追鳥跡去來何有校牛毛依違  
玩世從君好叱吒生風蓋代豪聞說妙  
年心尚在忍看花絮受風飄

奉陪內翰二丈醴泉避暑

疾雷倒海不成雨黑雲銜日蠶不吐深  
院回廊晝日長青簾朱幕風鈴語神仙  
中人龍作馬翠旌絳節從天下竹冠芒  
屨紫綺裘曳杖林間觀物化清池照眼  
自生涼脩竹回陰欲過廊樽酒未空高

興動含毫欲下雲飛揚俗聞道士業符  
醫未語已作庸人樣但知一扇博百金  
豈識雙松到千丈蠅頭小字密着行四  
座歡叫醒而狂忽驚天姥到庭戶風篁  
露草鳴寒蟹回天却日有餘力小試席  
間留翰墨請公慎用補天手入佐后皇  
和玉石

秋懷

稍稍昏烟集  
藂藂一再更  
短檠昏細字

高枕忘平生來鴈妨身健新楊喚眼明  
已須甘酒力不用占時名

一作永言隣里  
舊心肯向人傾

### 戲元弼

濁涇清渭不同源世好因循到子孫只  
待白頭能潦倒不虞青眼已瀾翻

山頭落日着窻明花裏來禽起笑聲豈

有詩成須白傳獨於酒可置公榮

翩翩別去七經年特特歸來兩浩然東

道有時推謝今後堂無地着彭宣

車馳卒奔風雨過白髮故人餘一箇幸  
是元無左阿君何須不着陳驚坐

陳詢秀才歸徐

千里相從愧子心未堪歸路馬駸駸更  
能作意憐衰病肯後重來道古今三歲  
有期看一舉百年聊待到千尋行逢淨  
社論餘習爲說登臨久廢吟

登鼓祖樓

城上危樓江上城風流千載擅佳名水

兼汴泗浮天闊山入青齊煥眼明喬木  
下泉餘故國黃鸝白鳥解人情須知壯  
士多秋思不露文章世已驚

送仁山主兼寄西堂園澄禪師

未仕寧論馬少游虛名非復韓潮州祖  
師若問西來信爲說蒼頭與白頭

後山居士文集卷第四